

CORINTO MACÃRÃRË Pablo p̄arĩ jóaripũ

Ãñuduticorigue

1 Ȳm Pablo, Timoteo marĩya wedeḡmena múãrë ãñudutia. Ȳm Cõãmacũ booró Jesucristoyere wededutiḡ beseriḡ niiã. Ȳm atipũrë múãrë Cõãmacũrë padeorĩ põna macãrã Corintop̄ niirãrë jóaa. Teero biiri niipetira Jesurë padeorã Acaya ditap̄ niirãcãrë jóaa.

2 Múãrë Cõãmacũ marĩ Pac̄, Jesucristo marĩ Õpũ ãñurë ticoaro; ãñurõ niirecutiri tiiáro.

Pablo ñañarõ netõríque queti

3 Cõãmacũ Jesucristo marĩ Õpũ Pac̄re usenire ticoada. Cũrã marĩrë bóaneõ ññaĩ. Marĩrë wãcũtutuari tiirucú. 4 Ësã ñañarõ netõrecõrõ ãsãrë wãcũtutuari tiii. Teero tiirã, ãsãcã ãpẽrã ñañarõ netõrãrë wãcũtutuari tiimasã. Ësãrë Cõãmacũ wãcũtutuari tiirĩrobirora cúãrë wãcũtutuari tiimasã. 5 Cristo ñañarõ netõrĩrobiro ãsãcãrë bayiró ñañarõ netõrë jeaa. Teerora sũcã ãsã Cristomena niirĩcãrë, ãsãrë pee wãcũtutuare jeaa. 6 Ësã múãrë wãcũtutuari boorã, múãrë netõrĩ boosãrã, teero ñañarõ netõpacãra, nũcãjãã. Cõãmacũ ãsãrë wãcũtutuare ticorĩ, ãsãcã múãrë wãcũtutuari tiiadacu. Múã wãcũtutuara, múã ãsã tiirõbirora ñañarõ netõrã, tutuaromena nũcãjããdacu. 7 Múã ãsã tiirõbiro ñañarõ netõrĩ, Cõãmacũ múãcãrë wãcũtutuari tiigũdaqui. Teero

tiirá, “padeodúbocua” jĩrõ manirõ múãrẽ bayiró wãcũria.

⁸ Yáa wedera, ùsãrẽ Asia ditapũ wáariguere múãrẽ masĩrĩ boogá. Ësã toopúre bayiró peti ñañarõ netõwú. “Sĩcãrĩbíricu; diajõããdacu”, jĩmiwũ. ⁹ “Ësãrẽ sãããdacua”, jĩ wãcũmiwũ. Teero wãcũrã, ùsã basiro dee tii masĩriwũ. Teero tiirá, Cõãmacũ diarirare masõgúpere tiiápurere sãiwũ. ¹⁰ “Ësãrẽ sãããdara tiiíya”, jĩrĩ, Cõãmacũ netõnẽwĩ. Atitõre netõnẽrucujãĩ. “Too síropucãrẽ ùsãrẽ ñañarõ cúã tiidugári, netõnẽgũdaqui”, jĩ padeóa. ¹¹ Cõãmacũrẽ múã ùsãrẽ sãĩbosári, teero tiigũdaqui. Paũ ùsãrẽ sãĩbosári, Cõãmacũ añũrõ ùsãrẽ tiiápugũdaqui. Cũũ teero tiirĩ ññarã, paũ ùsenire ticoadacua.

Pablo Corintopũ wáariguere wederigüe

¹² Ësã ateré wãcũrã, bayiró ùseniã: Atibárecopũre basocãre tiiditõro manirõ añũrõ tiirécũtira niirucuwũ. Múã watoapucãrẽ teerora tiiwú. Teero tiirá, ùsã wapa cõohera, añũrõ tũgueñaã. Ësã basiro ùsã masĩrémena teeré tiimasĩria; Cõãmacũ ùsãrẽ añũrõ tiirémenape teeré tiimasĩã. ¹³⁻¹⁴ Múãrẽ ùsã merẽã jóaria; tũomasĩreno dícre jóarucua. Múã péerogã tũomasĩrõbirora niipetirere añũrõ tũomasĩpetiri boogá. Teero tiirá, marĩ Ôpũ Jesús putuaatiri bæreco jeari, múã ùsãmena ùseniãdacu; ùsãcã múãmena ùseniãdacu.

¹⁵ “Teero wáaadacu” jĩ wãcũgũ, múãrẽ ññagũ wáasũguedugamiwũ. Múãrẽ ùsenirĩ tiidugágũ, puarĩ múã putopũ wáadugamiwũ. ¹⁶ Macedonia ditapũ wáagũ, múãrẽ ññanetõwadugamiwũ. Toopú jearigũ, coeputúaatigu, múãrẽ ññacãmerputuaatidugamiwũ. Too yũũ jeari, múã

yuu Judeapuu wáaadare maquērē tiiápbojĩyu. ¹⁷ Yuu toopú wáaheri ñnarã, “¿añurõ wãcũripacuu, ‘wáaguda’ jĩĩ wedeseyiri?” ¿jĩĩgari múã? Múã yuure “atibúreco macãrãbirora ‘wáaguda’ jĩĩrigu niipacuu, ‘wáaria’ jĩĩgãno niiqui” ¿jĩĩgari? ¹⁸ Niiria. Yuu Cõãmacũ diamacú maquērē wedegú wãmemena múãrē jĩĩã: Ësã múãrē wederere wasoría. ¹⁹ Jesucristo Cõãmacũ macũ wasoríqui. Yuu, Silvano, Timoteocãmena múãrē cũyeye quetire wedetoawuu. Cũũ “tiigúda” jĩĩpacuu, “tiirícu” jĩĩriyigu. Cũũ jĩĩré diamacú maquẽ niĩã. ²⁰ Niipetire Cõãmacũ “añurõ tiigúda” jĩĩrigue Jesucristo tiiríguemena yaponói. Teero tiirã, Cõãmacũrē usenire ticora, Jesucristo wãmemena “Cõãmacũ teerora tiiáro” jĩĩã. ²¹ Cõãmacũrã ãsãrē, múãcãrē Cristore padeorucújãrĩ tiii. Cũũrã marĩrē Cristomena niĩadarare beserigu niiwĩ. ²² Marĩrē cũũ põna wáari tiiríggu niiwĩ. “Cũũ põna niĩã” jĩĩrére masĩdutigu, Espíritu Santore marĩpũre ticodiocoriguu niiwĩ. Espíritu Santore marĩrē ticojĩgũ, nemorõrã “ũmuãsepũ marĩrē añurere ticogũdaqui” jĩĩmasĩrĩ tiii.

²³ “Yuu Corintopuu wáaguda” jĩĩriguu niipacuu, wáariwuu. “Yuu wáaheri, múãrē nemorõ añucuu” jĩĩ wãcũwũ. Múãrē bobooro wáari ñnadugahegu, wáariwuu. Cõãmacũ yuu teero wãcũriguere masĩqui. ²⁴ Múãrē “biirope padeoyá” jĩĩgũ mee tia. Múã añurõ padeóa. Múãrē añurõ useniremena niinemoãrõ jĩĩgũ, teero tiiápudugaa.

2

¹ Teero tiigú, múãrē bóaneõrã niirĩ tiidugáhegu,

wáariwɛ sũcã. ² Yɛɛ múãrẽ bóaneõrã niirĩ tiirí, ¿noãpé yɛɛre ɛsenirĩ tiibógari? Yɛɛ bóaneõrĩ tiirá yɛɛre ɛsenirĩ tiimasĩricua. ³ Teero tiigú, toopú wáarono tiigú, múãrẽ quẽnojeádutigu jóawɛ. Teeré jóagɛ, biiro wãcũwã: Yɛɛ máata wáaatã, múã yɛɛre ɛsenirĩ tiiróno tiirá, yɛɛre wãcũpatigu niirĩ tiibócu. Yɛɛ biiro wãcũã: Yɛɛ ɛseniremena jeari, múãcã ɛsenibojĩyu. ⁴ Yɛɛ tiipũrẽ jóagɛ, bayiró bóaneõremena, utirémema jóawɛ. Múãrẽ bóaneõrã niirĩ jĩgũ mee jóawɛ. Múãrẽ yɛɛ maĩnetõrere masĩdutigu jóawɛ.

Ñãñaré tiiríguere acabó dutirigue

⁵ Sĩcũ basocú múã watoapɛ niigú marĩrẽ bóaneõrã niirĩ tiirígu niiwĩ. Yɛɛ dícuere teero tiirígu niiwĩ; múãcãrẽ teerora tiirígu niiwĩ. Múã niipetirapɛre bóaneõrĩ tiiríjĩyi. “Múã niipetirapɛre bayiró bóaneõrĩ tiirígu niiwĩ” jĩgũjã, jĩnemosãñu wedebocu. ⁶ Múã paɛ “cũũrẽ biiro ñãñarõ tiíada” jĩ, tiitóayiro. Nocõrõrã ñãñarõ tiiyá. ⁷ Ñãñarõ tiinemórõno tiirá, cũũrẽ acabóya. Cũũrẽ wãcũtutuari tiiyá. Múã teero tiihéri, cũũ bayiró bóaneõgũ wáaboqui. ⁸ Teero tiigú, múãrẽ cũũrẽ maĩrére ẽñodutía sũcã. ⁹ Yɛɛ múãrẽ too sugueropɛre ate maquẽrẽ jóawɛ: “¿Tee yɛɛ dutiriguere diamacúrã tiidugámĩ cúã?” jĩ masĩdugagɛ jóawɛ. ¹⁰ Cũũ tiiríguere múã acabóri, yɛɛcã acabóa. Yɛɛ wãcũrĩ, yɛɛre ñãñarõ tiiríjĩyi. Teero niipacari, múãrẽ maĩgú, cũũrẽ acabóa. Diamacúrã Cristo iñacoropɛ acabóa. ¹¹ Marĩ cũũrẽ acabóri, Satanás marĩrẽ netõnucãmasĩriqui. Cũũ tiirécũtirere marĩ ãñurõ masĩã.

Pablo Troaspɯ wăcũpatirigue

12 Ƴɯɯ Troas macăpɯ Cristoye quetire buegɯ jeari, paɯ cũũye quetire tɯodugáwa. Marĩ Őpũ cũãrẽ tɯodugári tiirígɯ niivĩ. Teero tiigú, buemiwũ.

13 Ƴɯɯ Tito marĩya wedegɯre buajeáhegɯ, bayiró wăcũpatiɯɯ. Teero tiigú, cũãrẽ “wáagu tiia” jĩ, Macedoniapɯ wáajõãwũ.

Cristomena ñañarére netõnɯcărã niiã

14 Cõamacũrẽ ɯsenire ticoa. Cũũrã Cristore ñañarére netõnɯcărĩ tiirígɯ niivĩ. Ʋsã cũũmena niijĩrã, ñañarére netõnɯcărãbiro niiã. Sitiaãñũre niipetiropɯ sesarobirora Cõamacũ ɯsãmena cũũye quetire niipetiropɯ masĩpetijõãrĩ tiii.

15 Cristo paiá tiirucúrobiro sitiaãñũremena Cõamacũrẽ sóepeogabiرو tiiquí. Ʋsã cũũye quetire wedera, sitiaãñũwarebiرو niipetiropɯ wáaa. Netõnénorira pɯtopɯ, pecamepɯ wáaadara pɯtopɯcărẽ cũũye queti jeaa.

16 Pecamepɯ wáaadara “sitiaãñũre pũni niicu” jĩ wăcũrãbiرو ɯsã wederere tɯsaricua. Netõnénorirape ɯsã wederere bayiró tɯsacua; “catiré ticoré niiã” jĩ wăcũcua. Cõamacũ tiiápuriatã, noãpé tee quetire wedemasĩña manibójĩyu.

17 Ʋsã ãpêrã tiiróbiرو Cõamacũye quetire wedera, wapasécãmesãria. Teero tiiróno tiirã, Cõamacũ ticocorira Cristomena niijĩrã, Cõamacũ ññacoropɯre cũũye quetire jĩditoro manirõ wedea.

3

Mama netõnére quetire bueré

1 Ʋsã “Cõamacũye quetire diamacũrã buea” jĩĩrã, ɯsã basiro ɯsãye maquêrẽ ãñurõ wedesera mee tiia. Ʋsã basiro “diamacũrã buea ɯsãjã”

jĩria. Teero biiri “cũã diamacũrã bueeya” jĩripũrẽ
 ãpẽrã ãsãrẽ jóabosari boorĩa. Múã teero jĩripũrẽ
 ãsãrẽ jóaricãrẽ boorĩa. ãpẽrãjã teero jĩripũrẽ
 “jóabosaya” jĩĩ sãĩcũa; ãsãpeja sãĩrĩa. ² Múãrã
 “cũã Cõãmacũyere ãñurõ bueeya” jĩripũbiro ni-
 ijãrã tiia ãsãrẽ. Ësã múãrẽ “tiipũbirora niijãrã
 tiĩya” jĩĩ, ãñurõ yeeripũnacutia. Niipetira múãrẽ
 masĩari siro, “Pablocã cũãrẽ diamacũrã buejĩya”
 jĩĩcua ãsãrẽ. ³ Ësã múãrẽ bueri siro, múã ni-
 irecutiremena “Cristo jóaripũ niijãrã tiia” jĩĩ ãñoã.
 Tiipũrẽ jóarigumena jóaya maniwũ; ãtãpĩpũre jóaya
 maniwũ. Espĩritu Santo múã wãcũrẽpũre jóarigu
 niiwĩ. Múã wãcũrẽre wasorĩgu niiwĩ.

⁴ Ësã Cristomena niijĩrã, Cõãmacũrẽ bayiró
 padeojĩrã, múãrẽ “Cristo jóaripũ niijãrã tiia”
 jĩĩã. ⁵ Apeyenó tiimasĩrere “ãsã basiro masĩwũ”
 jĩĩmasĩña maniã. Niipetire ãsã tiimasĩre Cõãmacũ
 ticoré niĩã. ⁶ Cõãmacũ ãsãrẽ basocãre buemasĩrere
 ticorigũ niiwĩ. Teero tiirã, mama netõnére quetire
 buea. Tee quetire basocãre buera, “ate jóariguere
 tiiyã” jĩĩ bueria; “Espĩritu Santo boorẽpere tiiyã” jĩĩ
 buea. Dutiré jóariguere tiihẽra pecamepũ wãacua.
 Espĩritu Santope catiré petihẽre ticogú niĩĩ.

⁷ Cõãmacũ Moisẽre cũũ dutiré cũũriguere
 ticogũ, ãtãpĩpũ jóayigu. Tee dutiré marĩ
 netõnucãre wapa sããcõãdutire niyyiro. Marĩrẽ
 sããcõãdutire niipacaro, ãñunetõjõãre niyyiro;
 asibatẽremena jeayiro. Moisẽya diapóacã bayiró
 asibatẽyiro. Teero tiirã, Israelya põna macãrã
 cũũya diapóare ãñacõãtumasĩriyira. Jõõpemena cũũ
 asibatẽre petiwáyiro. Tee dutiré ãñurẽ niyyiro.
⁸ Toorã nemorõ Espĩritu Santo basocãmena

niiãdare quetipe ãñunemoã. ⁹ Tee dutiré “basocá netõncãrãrẽ ñañarõ tiiãdacu” jĩrigue asibatéremena jeayiro; ãñunetõjõãre niyyiro. Toorá nemorõ “Cõãmacũ basocãre ‘ãñurãrã niĩya’ jĩ ññagũdaqui” jĩrẽ quetipe ãñunemoã. ¹⁰ Tee ãñunemorere marĩ ãñurõ ññarĩpereja, tee dutiré ãñuré asibatéremena jeariguaepe búri niiré pũtũájãã sãa. ¹¹ Tee dutiré ãñuré asibatéremena jeariguaepe petiãdare niyyiro. ãñunemorepe petiriãdare niiã. Teero tiiró, tee dutiré nemorõ ãñunetõncãã.

¹² Ƴsã petiriãdarere cotera, useniyuetooa. Teero tiirã, diamacã, cuiro manirõ wedea. ¹³ Ƴsã Moisés tiirirobiro tiirã. Cũya diapõa asibatére “mãata petiãdacu” jĩgũ, suti caseromena búatoyigũ, Israelya põna macãrã tee petiwári ñnarĩjããrõ jĩgũ. ¹⁴ Cũã tũoriyira. Atitócãrẽ tee bucu dutirére bueri tũorã, tũoriya. Tiisuti caserora Cõãmacũ asibatérere búatorobiro niitooa cúãrẽ. Teero tiirã, netõnére maquẽrẽ tũoriya. Jesuré padeorĩpereja, Cõãmacũ cúãrẽ tũorĩ tiiquí. ¹⁵ Atitócãrẽ Moisés jóariguere bueri tũorã, tũoriya. Cũã tũomasĩre suti casero búatorobiro niijãã ména. ¹⁶ Marĩ Ƴpũrẽ padeogãno dícu tũoquí. Cõãmacũ cũãrẽ tũorĩ tiiquí; tiicasero pãõrõbiro wãacu sũcã. ¹⁷ Marĩ Ƴpũ, Espiritu Santomena sĩcãrã niĩ. Teero tiirã, Espiritu Santo marĩmena niirĩ, marĩ cãmotáro manirõ Jesuména ãñurõ niimasĩã. ¹⁸ Teero tiirã, marĩ niipetira dupupũ búatori casero manirã niijĩrã, cũũ ãñurõ asibatérere ññamasĩã.* Teero tiirã, jõõpemena cũũbiro wãara tiia; cũũyere cõonemõã. Tee niiã

* **3:18** O “cũũ ãñurõ asibatérere ññomasĩã”.

marĩ Õpũ tiiré. Cũũrã, Espíritu Santomena sícũrã niĩ.

4

¹ Cõãmacũ ùsãrẽ ãñurõ tiigú, Jesuyé quetire wedeadarare cũũrigũ niiwĩ. Teero tiirã, wãcũtutuhera niiria. ² Bobooro tiiré, basocã ññahẽrõpũ ñañaré tiiré doo niĩ. Cõãmacũye quetire jĩditoremena wederia. Teero jĩrõno tiirã, tee quetire wasoró manirõ, diamacũ wedea. Teeména Cõãmacũ ññacoropũre ùsã wederé basocã “diamacũrã wedeeya” jĩ wãcũrĩ booa. ³ Basocãre netõnére quetire ùsã wederi, ãpẽrã cũã wãcũrere búatonorirabiro niicua; tũorícua. Tee quetire tũohérano pecamepũ wãaadara niicua. ⁴ Cũã padeohére wapa atibáreco macãrã õpũ Satanás cũãrẽ tũoñemasĩhẽrã wáari tiiquí. Teero tiirã, basocãre netõnére queti bóere niipacari, ññamasĩricua. “Cristo ãñunetõjõãgũ Cõãmacũ niiré eñogú niĩ” jĩrere tũomasĩricua. ⁵ Ùsã basocãre wedera, “biro niĩ ùsãjã” jĩ wederia; “Jesucristo basocã Õpũ niĩ” jĩrerepere wedea. Ùsãyepereja wedera, “Jesuré maĩrémena múãrẽ padecotera niĩ” jĩ wedea. ⁶ Biro niĩ: Cõãmacũ basirora sicatopũ atibáreco naĩtĩãrõ niimiriguere bóeri tiirígũ niiwĩ. Teeré tiiróbiro cũũrã marĩye yeeripũnarĩpũ bóeri tiirígũ niiwĩ. Teero tiirã, marĩ Cristore masĩrémena Cõãmacũ ãñurõ niirecutirere masiã.

Marĩye õpũũrĩ mama õpũũrĩmena wasoádacu

⁷ Ùsã Cõãmacũye queti wederã búri niirã niĩ. Diiména tiiréparũ wapapacãre posecutĩreparũbiro

niiã. Teero tiigú, Cõãmacũ ùsã wederémèna cũũ tutuarere ãñoquí. Ësã basiro tutuare cuoríã. ⁸ Pee ñañarére netõpacára, bayiró peti wãcũpatiria. Wãcũpatipacara, “¿deero wáaadariye?” jĩria. ⁹ Basocá ùsãrẽ ñañarõ tiidugápacari, Cõãmacũ ùsãrẽ cõãwarii. Ësãrẽ páanecõãcũpacara, sãĩríya. ¹⁰ Ësã noo wáaro Jesuré sãĩrĩobirora ùsãcãrẽ sãĩjãmiwã. Ësã ñañarõ netõrira niipacara, catia. Teero tiigú, Jesús cũũ catirére ùsãmèna ãñoĩ. ¹¹ Ësã catiró jeatuario Jesuyé quetire wederé wapa sãĩrĩquio niiã. Teeména Jesús ùsãye õpũũrĩ bóaadare õpũũrĩmèna cũũ catirére ãñoĩ. ¹² Ësãpere sãĩrĩquio niiã. Múãpe catiré petihére buaa.

¹³ Cõãmacũye queti jóaripũpũ biiro jóanoã: “Yũũ padeowú; teero tiigú, wedesewũ”. Teerora jĩã ùsãcã: Ësã padeóa; teero tiirã, wedesea. ¹⁴ Ësã ateré masĩjĩrã, wedesea: Cõãmacũ Jesús marĩ Õpũrẽ diarigũpũre masõrigũ niiwĩ. Teero tiigú, ùsãcãrẽ cũũmèna masõgũdaqui. Ësãrẽ, múãrẽ sãcãrõmèna cũũ pũtopũ néewagũdaqui. ¹⁵ Ësã múãye ãñuré niĩãdarere boosãrã, niipetire ùsã ñañarõ netõrere nũcãjãã. Teeména ãpẽrãcã Cõãmacũ ãñuré tiorére masĩjĩrã, cũũrẽ usenire ticoadacua. Jõõpemèna paũ peti cũũrẽ usenire tico, “ãñunetõjõãgũ niĩ” jĩñemoãdacua.

¹⁶ Teero tiirã, wãcũtutuarucujãã. Sotoápere bũtoá wáapacara, popeapũre búrecoricõrõ nemorõ tutuanemoã. ¹⁷ Biiro wãcũã: Ësã atibúrecopũ ñañarõ netõré máata petiádare niiã. Tee ñañarõ netõré wapa apeyé nemorõ ãñuré buãádadu. Bayiró useniremèna cũũ pũtopũ niirucujããdadu. ¹⁸ Ësãrẽ baurocá wáarere wãcũnũnũseria.

Bauhérepere wăcŭnŭnŭsea. Baurocá wáare petiádacu. Bauhérepe niirucujăădacu.

5

¹ Marŭye ōpŭŭrŭ muŭ wiseri marŭ niiré wiseribiro niŭă. Tee wiseri tiiróbiro marŭye ōpŭŭrŭ bóaadacu. Cŏămacŭpe ŭmŭăsepŭă ņănuré wiseri petiríadarere quēnoyúetoaqui. Tee wiseri basocá tiirígue mee niicu. ² Ate diamacără niŭă: Marŭănopú niiră, ņăñarŏ tŭgueņăă, ŭmŭăse niirí wiipŭă wáadŭgara. ³ Tiiwiŭ sutiró tiiróbiro cămotăadacu, sutimanírăbiro niirijăărŏ jŭră. ⁴ Marŭătibŭrecopŭre ate ōpŭŭrŭmena ņăñarŏ netŏă. Teero tiiră, ņăñarŏ tŭgueņăă. Marŭye ōpŭŭrŭrē cŏădŭgara mee teero jŭă, ŭmŭăsepŭă niŭădare ōpŭŭrŭpere wasorŭ booră. Tee niirucuari ōpŭŭrŭ wasorŭ, bóadari ōpŭŭrŭ petiádacu. ⁵ Cŏămacără marŭrē teero wáadarere quēnoyúerigŭă niiwŭ. Cŭŭ marŭrē ņănurŏ tiiădarere masŭsŭguedutigŭă, Espŭritu Santore ticodiocosŭguerigŭă niiwŭ.

⁶ Teero tiiră, padeorucă. Ateré masŭă: Ŭsă ate ōpŭŭrŭmena niiră, Cŏămacŭmena niiria mēna. ⁷ Cŭŭrē ŭnaripacara, cŭŭ jŭriguere padeonŭnŭsea; teemēna niŭă. ⁸ Teero tiiră, ateré wăcŭră, padeŏă: Ate ōpŭŭrŭrē cŏăjădŭgamiga, Cŏămacŭmena niiră wáadŭgara. Cŭŭmena niirŭ, nemorŏ ņăuniădacu. ⁹ Teero tiiră, ate ōpŭŭrŭmena niiră, o niirucuari ōpŭŭrŭmena niirăcă, Cŏămacŭrē teerora ŭsenirŭ tiirucŭjădŭgaga. ¹⁰ Cristo wapa tiiădari bŭreco jearŭ, marŭ niipetira toopú niŭădacu. Basocăcŏrŏrē marŭye ōpŭŭrŭpŭă tiiríguere Cristo masŭqui. Ăpēră ņănurēre ņeeădacua; Ăpērăpé ņăñaréré ņeeădacua.

Cõãmacũmena añũrõ niirecutire maquẽ

11 Ûsã teeré masĩjĩrã, marĩ Õpũrẽ quioníremena ñnarã, basocáre “ũsã wederére diamacá maquẽ niiã” jĩ pãnarĩ tiia. Cõãmacũpe ùsãrẽ masĩtoai. Múãcãrẽ teerora ùsãrẽ masĩrĩ booa. 12 Ûsã basiro ùsãye maquẽrẽ añũrõ wedesera mee tiia sũcã. Ûsãrẽ añũrõ masĩ, ùseniremena wãcũãrõ jĩgũ, múãrẽ jóaa. Teeré masĩrã, ãpẽrã buerí basoca ùsãrẽ ñañarõ wedeseri, múã cũãrẽ yũmasĩãdacu. Cũã sotoá maquẽ dícu baurére wãcũrã, yeeripũna maquẽrẽ wãcũhẽrã niicua. 13 Múã ùsãrẽ “mecũrã tiiíya” jĩbocu. Ûsãpe “Cõãmacũ booró tiirã tiia” jĩ yũadacu. Múã apetóre ùsãrẽ “mecũriya” jĩbocu. Ûsãpe “múã añũrõ niãdarere boosãrã, teero tiia” jĩ yũadacu. 14 Cristo ùsãrẽ maĩrĩ ñnarã, cũũ dutirére tiia. Ateré masĩnoã: Sĩcũ niipetirare diabosarigu niiwĩ. Teero tiirã, niipetira cũũmena diarira tiiróbiro putuájĩyu. 15 Cristo niipetirare diabosarigu niiwĩ. Catiré petihérere cũorã cũã booró tiirĩããrõ jĩgũ, teero tiirĩgu niiwĩ. Cũũ boorépere tiiaro jĩgũ, cũãrẽ dia masãbosarigu niiwĩ. 16 Teero tiirã, ùsã basocáre ñña, wãcũrã, atibúreco macãrã wãcũrõbirora wãcũria. Too sugueropure ùsã Cristore atibúreco macãrã wãcũrõbirora wãcũmiwũ. Mecãtigãrẽ teero cũũrẽ wãcũria sãa. 17 Cristo cũũmena niigãnorẽ cũũ niirecutirere wasorí tiiquí. Cũũ too suguero tiirĩguere tiinemóriqui sãa; mama dícu niicu cũũpare.

18 Cõãmacũrã niipetirere teero wãari tiiquí. Cũũrã Cristo diariguemena ùsãrẽ cũũmena añũrõ niirecutiri tiirĩgu niiwĩ. Niipetirare teero niirĩ boogú, ùsãrẽ cũũye quetire wededutigũ cũũrigũ

niiwĩ. ¹⁹ Tee queti biiro niiã: Cõãmacũ Cristo diariguemena atibúreco macãrãrẽ cũũmena ãñurõ niirecutiadarere cũũrigũ niiwĩ. Cũã ñañaaré tiirére petirí tiirígu niiwĩ. Niipetirare cũũmena ãñurõ niirecutiri boogú, ãsãrẽ cũũye quetire wededutigũ cũũrigũ niiwĩ. ²⁰ Teero tiigú, Cõãmacũ ãsãrẽ Cristore wasorá niiãrõ jĩgũ, ticocorigũ niiwĩ. Cõãmacũ ãsã wederémema basocáre boocói. Teero tiirá, Cristo wãmemena Cõãmacũmena basocáre ãñurõ niirecutidutia. ²¹ Cristo péerogã ñañaaré tiirípacari, Cõãmacũpe marĩ ñañaaré tiiré wapa cũũrẽ ñañaaré tiirígubiro ñañaarõ netõrĩ tiirígu niiwĩ. Teero tiiríguemena marĩ Cristomena niirĩ, Cõãmacũ marĩrẽ wapa cõohérare tiiróbiro ññaã.

6

¹ Æsã Cõãmacũyere padeapuri basoca nijĩrã, “cũũ múãrẽ ãñurẽ ticorére teero ññacõãrijãña” jĩã.

² Cõãmacũye queti jóaripũrũ biiro jĩ jóanoã:
Cõãmacũ ateré jĩĩ:

“Yũũ basocáre ãñurõ tiirító niirĩ, mũũ sãĩríguere tũowú.

Yũũ netõnéri bũreco niirĩ, mũũrẽ tiíápuwũ”,*
jĩ jóanoã. Tũoyá. Mecãtígã cũũ teero tiirító niiã.
Mecãtígã cũũ netõnéri bũreco niiã.

³ Æpẽrãrẽ ãsã Cõãmacũye paderére ñañaarõ wedeseri booría. Teero tiirá, basocáre ñañaaré tiieñoria, “Cõãmacũrẽ padeoríbocua” jĩrã. ⁴ Biirope tiia: Niipetire ãsã tiirémema, ãsãrẽ wáaremema “Cõãmacũye paderá niiã” jĩrere ãñoã. Æsãrẽ merẽã wáari, nũcãjãã; apeté bayiró ñañaarõ netõã; ãsãrẽ apeyenó dũsaa; wisióre tũgueñaã; ⁵ ãsãrẽ

* 6:2 Isaías 49.8.

tãnaãya; peresu wiip̄ sōnecoya; acaribítutire wáaa; bayiró padea; apetóre cãniría; teero biiri j̄abóaa.

⁶ Āpērārē ñañarō tiiría; diamacú maquērē masiã; ũsārē merēã wáari, potocōrō manirō niiã; āpērārē bóaneō ññaã; Espíritu Santo tiiapuremena padea; āpērārē j̄ĩditoro manirō maĩã; ⁷ diamacúrã wedea; Cõãmacũ tutuarere c̄oaa. Ũsã Cõãmacũyere paderá surarabiro niiã. Ũsã wãmocutíre ũsã diamacú tiiré niiã. Teeména surara cãmerĩsĩārã wáarabiro Cõãmacũyere wedera wáaa; ũsārē cãmotádugara ũsārē docacũmurĩ tiimasĩriya. ⁸ Āpērã ũsārē padeorémēna ññaãya; āpērāpé padeoríya. Āpērã ũsārē añurō wedeseya; āpērāpé ñañarō wedeseya. Ũsã diamacú maquērē wedepacari, āpērã ũsārē “j̄ĩditori basoca niĩya” j̄ĩ ññaãya. ⁹ Niipetira ũsārē masĩpacara, sĩquērã ũsārē ññamasĩhērã tiiróbiro ññaãya. Apetóre ũsārē sĩãdugápacari, niirucua. Cũã ũsārē ñañarō tiipacára, siãríya. ¹⁰ Ũsã bóaneõpacara, ũsenirucujãã. Ũsã apeyenó c̄orípacara, ũsã buerémēna āpērārē pee c̄orábiro niirĩ tiia. Apeyenó c̄orípacara, niipetire c̄orábiro niiã.

¹¹ Yáa wedera Corinto macãrã, yayióro manirō múārē ũsã wãcūrere wedepetijãã. Ũsã múārē bayiró maĩrére eñoã. ¹² Cãmerĩ maĩré manirĩ, múãye wapa niiã; ũsãpe múārē bayiró maĩmíã. ¹³ Sícũ cũũ põnarē wederobirora ȳacã múārē wedeguda: Ũsã múārē diamacú maĩrõbirora múãcã ũsārē maĩñá.

Marĩ Cõãmacũwĩbiro niiã

¹⁴ Jesuré padeohéramēna cãmeyiorijãña. Diamacú tiirã diamacú tihéramēna niimasĩricua.

Bóeropu niirã naĩtĩārõpu niirãmena niimasĩricua.
 15 Cristocã Satanámena sĩcãrĩbíro wãcũricua.
 Teerora sũcã padeogú, padeohégumena sĩcãrĩbíro
 wãcũricua. 16 Cõãmacũwiipure Cõãmacũ dícre
 padeoró booa; weerirare padeorĩjãrõ booa.
 Marĩpe Cõãmacũ catirucugumena niijĩrã,
 Cõãmacũwiibiro niiã. Cũũ basiro biiro jĩrigu niuwĩ:
 “Cũãmena niigũdacu; cúã watoapu cãmesãgũdacu.

Yuu cúã Òpũ niigũdacu; cúã yáara niĩadacua.†

17 Teero tiirã, ñañarã pũtopu niimiãrira witiwa-
 jõãña”, jĩĩ marĩ Òpũ.

“Niipetire ñañaré tiirére tiirĩjãña.‡

Teero tiirĩ, yuu múãrẽ ñeegũda.

18 Yuu múã Pacu niigũda;

múã yuu põna niĩadacu”, jĩĩ marĩ Òpũ
 tutuanetõjõãgũ.§

7

1 Teero tiirã, yáa wedera, yuu maĩrã, Cõãmacũ
 “teero tiigũda” jĩriguere masĩrã, niipetire marĩ
 ñañaré tiirére duujããda. Marĩye õpũãrĩrẽ ñañoré,
 marĩ wãcũré ñañorére duuáda. Cõãmacũrẽ
 quioníremena padeojĩrã, cúũ booré dícre tiíada.

Corinto macãrã wãcũre wasorĩgue

2 Ûsarẽ maĩñã. Sĩcãrĩ múãrẽ ñañarõ tiiríwu;
 múã padeorécãrẽ ñañoríwu; múãyere jĩĩditoremena
 néeríwu. 3 Yuu múãrẽ “wapa cuorã niĩya” jĩgũ
 mee tiia. Yuu too suguero jĩĩrirobirora múãrẽ maĩã.
 Teero tiirã, marĩ catira, sĩcãrõména niiã. Diaracã,
 sĩcãrõména niirucudacu. 4 Yuu múã ãñurõ tiiré

† 6:16 Levítico 26.1; Ezequiel 37.27. ‡ 6:17 Isaías 52.11. § 6:18
 2 Samuel 7.14; 1 Crónicas 17.13.

quetire tʉogú, “teerora tiirucúadacua” jĩ wăcũwă. Āpěrārē múã ãñurõ tiirére useniremena wedea. Teero tiigú, ñañarõ netõpacú, wăcũtutua, bayiró useniã.

⁵ Macedoniapɯ coerí siro, ũsã yeerisãre bɯaríwɯ. Ĕsã noo wáaro ñañarõ netõwá. Āpěrã ũsãmena câmerĩ cúasodɯgawa. Múã ũsã buerirare wăcũgũ, bayiró wăcũpatiɯ. ⁶ Cõãmacũ bóaneõremena niirãrē wăcũtutuari tiigúpe Tito ũsã putopɯ jearémēna ũsãrē wăcũtutuari tiiwí. ⁷ Cũũ jearémēna díçɯ wăcũtutuariwɯ. Múã cãũrē wăcũtutuari tiiríguere tʉorá, nemorõ wăcũtutuanemowă. Múã yɯũre ññadɯgarere, múã wăcũpatiriguere, múã yɯũre wăcũrere wedewi. Teeré tʉogú, toorá nemorõ useninemowă.

⁸ Yɯũ múã ñañaré tiirére múãrē jóaripũmena múãrē bóaneõrã niirĩ tiiwá. Mecũtigãrē teeré wăcũpatiria. Too suguero “yɯũ jóaheri ãñunibojĩyu” jĩ wăcũmiwă. Teeré mecũtigã wăcũria. Múãrē bóaneõrĩ tiipacú, yoari bóaneõrĩ tiiríjĩyu. ⁹ Mecũtigã yɯũ useniã. Múã bóaneõriguere wăcũgũ mee useniã. Múã bayiró bóaneõriguepe múãrē wăcũpati, wasorĩ tiiyíro. Teero tiigú, useniã. Cõãmacũ booróbirora múã ñañaré tiiríguere wăcũ, bóaneõyiro. Teero tiiró, ũsã múãrē jóacoripũ múãrē ñañarõ tiiríjĩyu. ¹⁰ Marĩ Cõãmacũ booróbirora bóaneõrã, wăcũpati, wasoa. Teemēna netõnénoã. Too síro “ñañaré tiitá” jĩña maniã. Atibúreco macãrãpe cúã ñañaré tiiríguemēna bóaneõjãcua. Bóaneõpacara, pecamepɯ wáacua. ¹¹ Múãpe Cõãmacũ tɯsaróbirora bóaneõrĩ, ate ãñuré putuáyiro: Múã watoapɯ wáariguere “quẽnoãda” jĩyiro; “too sugueropɯre marĩ diamacá tiiríjĩyu; mecũtigã diamacá tia sáa”,

jĩyiro; múã watoapɯ wáariguere múã yoari teero ñnariguere wãcũrã, cúayiro; “Cõãmacũ marĩrẽ ñañarõ tiibóqui”, jĩ wãcũrã, cuijõãyiro; yɯũ múãrẽ ñagũ wáari booáyiro; diamacú maquẽrẽ tiidugáayiro; “ñañaré tiigũre diamacú ñañarõ tiíadacu”, jĩyiro. Niipetire teero múã tiirémena múã wapa cɯohérere ẽñoýiro. ¹² Teero tiigũ, múãrẽ jóagɯ, ñañaré tiirígɯyere, teero biiri ñañaré tiinógũye díçure wãcũriwɯ. Múãye niíadarere bayiró wãcũwɯ. Múã Cõãmacũ ñnacorɯũ ãsãrẽ bayiró maĩã sáa. Teeré masĩdutigɯ múãrẽ jóawɯ. ¹³ Teero tiirã, múã ãñurõ tiirémena ãsã wãcũtutuawɯ.

Teero wãcũtutuara, Tito bayiró ɯsenirĩ ññarã, toorã nemorõ ɯseninemowɯ. Múã niipetirapɯra cũãrẽ ãñurõ tɯgueñarĩ tiiríra niiwũ. ¹⁴ Tito múã putopɯ wáaadari suguero, yɯũ múãmena ɯsenirere cũãrẽ wedewɯ. Cũũ toopá jeari, yɯũ jĩrirobirora wáayiro. Niipetirere ãsã múãrẽ wederiguere diamacúrã wedewɯ. Teerora ãsã Titore múãye maquẽrẽ wederigüecã diamacúrã niiwũ. ¹⁵ Múã cũãrẽ quioníremena bocayiro. Cũũ dutirere yɯũyiro. Múã teero tiiríguere wãcũgũ, múãrẽ nemorõ maĩnetõneĩ. ¹⁶ Yɯũ múãrẽ padeóa; “ãñurõ tiíadacua” jĩgũ, bayiró ɯseniã.

8

Ticodugaro jeaturo ticodutire

¹ Yáa wedera, ãsã ateré múãrẽ masĩrĩ boogá: Macedoniarɯ Jesuré padeoré põnarĩ macãrãrẽ Cõãmacũ ãñuré ticorigɯ niiwĩ. ² Cũã bayiró ñañarõ netõpacára, diamacú tiiríra niiwã. Teero ñañarõ

netõpacára, bayiró ɯseniwã. Cúã bóaneõrã peti niipacara, pee apeyé ɯorá tiiróbiro ãpẽrãrẽ añurõ tiiápuwa. ³ Cúã booró cúã ɯoró jeatuaro cúã ɯorére ticowa. Cúã “ticoada” jĩãriro nemorõ ticowa. Yɯú cúãrẽ teero tiirí iñawũ. ⁴ Ƴsãrẽ sícãrĩ mee biiro jĩwã: “Cõãmacũrẽ padeorá bóaneõrãrẽ ãsãcã niyerure ticoada”, jĩwã. ⁵ Cúã ãsã wãcũriro nemorõ tiiwá. Cúã marĩ Ƴpãrẽ “mɯú booré díɯure tiiáda” jĩsuguewa. Too síro ãsãrẽ “múã dutirere tiiáda Cõãmacũ booróbirora” jĩwã. ⁶ Teero tirá, ãsã Titore múã pɯtopɯ wáadutia. Cũú too sugueropɯ múã pɯto niigũ, niyerure néõɯcãyigũ. Teeré peotídutira cããrẽ ticocoa. Teero tiirá, múã añurõ ɯseniremena néõɯcãriguere diamacú tii yaponóadacu. ⁷ Múã niipetirere añurõ tiiá: Añurõ padeóá; Cõãmacũyere añurõ buea; teeré añurõ masĩá; ɯseniremena añurõ tiiá; ãsãrẽ maĩá. Múã tee niipetirere añurõ tiiróbirora niyeru ticorécãrẽ teerora tiiyá.

⁸ Teeré jĩgũ, múãrẽ dutiré peti tiiróbiro jĩgũ mee tiiá. Yɯú múãrẽ “apemacãrĩ macãrã ɯseniremena niyeru néõtoawa, ãpẽrãrẽ tiiápura” jĩ wedegũ, ateré masĩɯgaga: “¿Múãcã bóaneõrãrẽ maĩrere ãñoãdari cúãrẽ tiiápuremena?” ⁹ Marĩ Ƴpũ Jesucristo marĩrẽ añurõ tiiríguere múã masĩá: Cũú niipetire ɯogú niipacu, marĩye añuré niiádarere boosãgũ, bóaneõgũbiro wáarigũ niwĩ. Cũú bóaneõgũ wáariguemena marĩpere pee ɯorábiro wáari tiirígu niwĩ.

¹⁰ Múãrẽ añurõ niirĩ boogú, yɯú wãcũrere múãrẽ jĩgũda. Biiro niiã: Iicãmamena múã apemacã macãrã suguero niyeru néõɯcãrira niwã. Teeré

néõrã, ðseniremena néõrira niiwã. ¹¹ Teero tiirá, múã tiinðcãrirobirora tii yaponõña. Múã ðseniremena “ticoada” jĩrirobirora teerora tii yaponõña. Múã ticodugaro jeatuario ticoya.

¹² Marĩ diamacũrã ticodugari, marĩ ticodugaro jeatuario ticori, Cõãmacũ teemena ðseniqui. Marĩ cõohérere Cõãmacũ sãĩríqui.

¹³ Múã ãpẽrãrẽ tiiápujĩrã, múãpere cõohera putuári booríã. ¹⁴ Sĩcãrĩbíro cõorí booa. Mecũtígã múã cõorémema cúã boorére tiiápuã. Too síropu cúãcã cúã cõorémema múã boorére tiiápuadacua. Teero tiirá, sũcãrĩbíro cõoádacu. ¹⁵ Tee Cõãmacũye jóaripũpu biiro jóanoã: “Pee seerígucã cõonetõriwi; pèerogã seerígucãrẽ ðsaríwũ”,* jĩ jóanoã.

Tito cũũ menamacãrãmena Corintopu wãaadare

¹⁶ Yũũ múãye maquẽrẽ wãcũã. Yũũ wãcũrõbirora Titocãrẽ Cõãmacũ wãcũrĩ tiiyígũ. Teero tiigã, Cõãmacũrẽ ðsenire ticoa. ¹⁷ Yũũ Titore “Corinto macãrãrẽ ãñagũ wãaya” jĩrĩ, máata yũũwĩ. Mecũtígãrẽ cũũ múãrẽ ãñadugajĩgũ, cũũ ãñurõ tusarómema múã putopu wãagudaqui. ¹⁸ Titomena ãpĩ ticocoadacu. Cũũ marĩya wedegu niĩ. Niipetira Jesuré padeoré põnarĩ macãrã cũũrẽ biiro wedeseya: “Cũũ Jesuyé quetire ãñurõ wedei”, jĩĩya. ¹⁹ Apeyecãrẽ, Jesuré padeoré põnarĩ macãrã cũũrẽ beserira niiwã, ðsãmena niyeru néõriguere néewadutira. ðsã bóaneõrãrẽ niyerure ticora, marĩ Õpũrẽ ãñurõ wedesedutira, teero ticoa. Teero biiri ðsã ðseniremena tiiápuðugarere ãñorã, teero tiia. ²⁰ ðsã pairó niyeru néõriguere néewara, basocá

* **8:15** Éxodo 16.18.

ūsārē “niyeru tiidiójīyu” jīrī booríá. ²¹ Teero tiirá, ūsā marī Ōpū, teero biiri basocá ññacoropure diamacú tiidugáa.

²² Cúāmena āpī marīya wedegucārē ticoconemoā. Cūū bayiró tiiápudugarere ūsārē naĩrō ēñowī. Mecātígārē múārē “cúā diamacúrā tiiádacua” jīīgā, nemorō tiiápudugai. ²³ Titoye maquērē āpērā sãñárĩ, biiro jīñña: “Pablo menamacū cūāmena padegú ūsārē tiiápugū niĩ”, jīñña. Āpērā puarārē sãñárĩpereja, biiro jīñña: “Jesuré padeoré pōnarĩ macārā cúā ticocorira niĩya. Cúā tiirémēna Cristore añurō wedeseri tiiíya”, jīñña. ²⁴ Teero tiirá, maĩrémēna cúārē bocaya. Múā teero tiirí, Jesuré padeoré pōnarĩ macārā múā maĩrēre t̄uoádacua. Ūsā cúārē biiro jīwū: “Corinto macārā basocáre añurō bocaaya”, jīwū. Múā teero tiirí t̄uorá, cúā ūsā jīriguere “diamacúrā niĩāyu” jīññadacua.

9

Niyeru néõre

¹ Múā niyeru néõrere Jesuré padeoráre ticoadare maquērē jóanemoria; múā masĩtoaa. ² Yūū múā tiiápudugarere masĩtoaa. Ūseniremena Macedonia macārārē biiro wedea: “Iicūmāmena Acaya* dita macārā ‘t̄iiápuada’ jīññcāwā”, jīññ wedea. Teeré t̄uorá, paū Macedonia macārā “ūsācā t̄iiápuada” jīññwā. ³ Teero niipacari, Titore cūū menamacārāmena múā p̄uop̄u ticocoguda. Yūū Macedonia macārārē jīriguere diamacú

* **9:2** Corinto Acaya ditap̄u niĩyiro.

wáari booa. Y_{HH} “Corinto macārã niyeru néõ, c_{HOY}úeadacua” jĩwã. ⁴ Apetó y_{HH} múã p_{UTOP} wáari, Macedonia macārã y_{HH}mena wáabocua. Úsã toopú jeara, múã niyeru néõhērã niirĩ b_Hajeádugariga. Y_{HH} “cúã néõtoajĩya” jĩrigue wapa bayiró bobooro wáabocu. Múãcã teerora bobobócu. ⁵ Teero tiigú, y_{HH} biiro wácũã: Y_{HH} múã p_{UTOP} wáaadari s_{UGUERO}, Titocārẽ wáadutia. Cúã múã “ticoada” jĩ néõrere quēnosugúeadacua. Cúã teero tiirí, úsã jeaadari s_{UGUERO}, múã c_{UOT}óaadacu. Teero tiirá, ãpērã múãrẽ “ticoya” jĩripacari, múã wácūrõ ticoadacu.

⁶ Múã ateré wácũña: Oterí basocu péerogã oterí, péerogã d_{UCAC}utiri ññaqui. Pee oterigupeja pee d_{UCAC}utiri ññaqui. ⁷ Marĩ “nocõrõ ticoguda” jĩ t_{UGUE}ñarõcõrõ ticoro booa. Marĩ ticod_{UGA}hera, o ãpērã ticodutiri ññañarõ t_{UGUE}ñarã, ticorijārõ booa. Úseniremena ticoráre Cõãmacũ maĩquí. ⁸ Cõãmacũ niipetire ãñuré múãrẽ ticonemomasĩ. Cũũ teero tiirí, múãrẽ d_{USAR}íadacu. Múãrẽ ticorém_{ENA} múãpe ãpērãrẽ tiiápumasĩadacu. ⁹ Tee Cõãmacũye queti jóaripũ_{PH} biiro jóanoã:

Ññugú bóaneõrãrẽ ãñurõ ticoqui.

Teero tiiró, cũũ ãñurõ tiiré niirucujãadacu,† jĩ jóanoã. ¹⁰ Cõãmacũrã niĩ oteréperire ticogú, teero biiri yaarére ticogú. Tee tiiróbiro cũũrã múãcãrẽ niipetire múã c_{UO}ádarere ticogudaqui. Oteréperi wii d_{UCAC}tirobiro múã c_{UOR}ere nemorõ wáari tiigúdaqui. Teeména múã ãpērãrẽ ãñurõ tiiápumasĩadacu. ¹¹ Teero tiirá, pee c_{UO}jĩrã, ãpērãrẽ tiiápuadacu. Múã ticorére úsã ticobosari, tee

† 9:9 Salmo 112.9.

niyerure ñeerã Cõãmacũrẽ usenire ticoadacua. ¹² Múã Cõãmacũrẽ padeorã bóaneõrãrẽ tiiápura, cúãrẽ dusaré díçure ticora mee tiia; Cõãmacũcãrẽ usenire ticora tiia. ¹³ Múã cúãrẽ tiiápurementa múã Cristoyere padeorere, cúãrẽ yũrere ãñoã. Cúã teeré ñnarã, Cõãmacũrẽ usenire ticoadacua. Teero biiri múã cúãrẽ, niipetirare tiiápuri ñnarã, teeré tiiadacua. ¹⁴ Cúãcã Cõãmacũ múãrẽ ãñurõ tiirere ñnarã, bayiró maíremena Cõãmacũrẽ múãye niiãdarere sãibosáadacua. ¹⁵ Cũũ marĩrẽ ticorigue ãñunetõjõãre niiã. Tee ãñunetõjõãre dee jĩ wedesemasĩña maniã. Teero tiirá, Cõãmacũrẽ usenire ticoada.

10

Pablo “apóstol niiã” jĩ wederigue

¹ Yũũ Pablo múãrẽ tiidutíyũũ. Yũũrá niiã basocã biiro jĩ wãcũnorigũũ: “Cũũ marĩmena niigã, bári niigũbiro wedesei; marĩrẽ jóagupe, tutuaromena jóai”, jĩcua. Múã Cristo niirecutirere masĩã; cúã bóaneõ ñnarémena tiidutíyũũ. ² Teero tiigũ, yũũ cúũ tiiróbiro niidũgagũ, ateré múãrẽ tiidutía: Yũũ múã pũtopũ jeari, múã sĩquẽrãmena tutuaromena wedeseri tiirĩjãña. Sĩquẽrã múã menamacãrã ãsãrẽ biiro jĩãyira: “Cúã atibúreco macãrã tiiróbiro Cõãmacũ booré tiirícua”, jĩãyira. Yũũ teero jĩrãnorẽ diamacũrã tutuaromena wedesegũũ. ³ Ʋsã atibúrecopũ niipacara, atibúreco macãrãbiro cãmerĩquẽria; Cõãmacũ wãmocutire ticorémenape cãmerĩquẽã. ⁴ Ʋsã wãmocutire atibúreco maquẽ mee niiã; ãmũãse maquẽ, Cõãmacũ tutuare cuorẽpe niiã. Teeména ññaré tutuarere docacũmurĩ tiia.

⁵ Cõãmacũ wãmocutíremena basocá cúa wãcũrémena buerére diocóa. Cúa wederémema múãrẽ pãnarĩ tiidugácu; múã Cõãmacũrẽ masĩrĩ boorícua. Ûsã cúa buerére diocóari siro, Jesús boorépere cúa rẽ tiidutía. ⁶ Múa Cristo dutirére añurõ yũuri ññaari siro, ùsã biiro tiimasĩadacu: Niipetira netõnucãrãrẽ ññaarõ tiiadacu.

⁷ Múa sotoá maquẽ dícuere ññaã. “Cristomena niia” jĩgãno ateré masĩrõ booa: Cũũ diamacũ Cristomena niigũ, “Pablocã Cristomenarã niia” jĩ masĩgũdaqui. ⁸ Yũũ múãrẽ wedegũ, ùsã dutirére “jĩnemosãnu wedetũ” jĩpacu, boboría. Marĩ Òpũ ùsãrẽ tee dutirére ticorigũ niiwĩ, múã cũũrẽ padeonemóãrõ jĩgũ. Múa padeorére ññaõãrõ jĩgũ mee tee dutirére ticorigũ niiwĩ. ⁹ Yũũ jóarepũrĩmena múãrẽ ucãadutigu mee jóaa. ¹⁰ ãpẽã yũũre biiro jĩcua: “Cũũ jóare bayiró tutuaremena dutia. Cũũ baurocápereja tutuhegũbiro bauwĩ. Cũũ wedeserecãrẽ bayiró tusaya maniã”, jĩcua. ¹¹ Yũũre teero jĩrãno ateré masĩrõ booa: Ûsã yoaropũ niirã jóacoriobirora múã pũtopũ jearacã, teerora tutuaromena wedeseadacu.

¹² Siquẽrã múã watoapũ niirã cúa basiro cãmerĩ padeorã biiro jĩcua: “Marĩpeja añurõ tia”, jĩ cãmerĩ wedesecua. Teero jĩ wedesepacara, masĩricua. Ûsãpe cúa tiiróbiro ùsã añurõ tiirére péerogã wedeseñaria; yũũ tiiré cúa tiirémema queodugária. ¹³ Ûsã tiiríguere jĩnemosãnu wederia. Cõãmacũ ùsãrẽ Cristoye quetire wededutirigu niiwĩ. Cũũ tiidutíre dícuere tia. Cũũrã ùsãrẽ múã pũtopũcãrẽ tee quetire wededutirigu niiwĩ. ¹⁴ Teero tiirã, múã pũtopũ wáara,

Cõãmacũ wáadutiheropũ wáara mee tiia. Múãmena niisuguewũ. Ʋsãrã múãrẽ añurẽ “Cristo basocãre netõnéĩ” jĩrẽ quetire wedesuguewũ. ¹⁵ Ʋsãrẽ Cõãmacũ wededutigũ cũũriro jeatuaro wedea. Āpẽrã tiiríguepũre “yũũ tiirígue niiã” jĩria. Teero jĩrõno tiirã, múãrẽ padeonemórĩ tiidũgáa. Múã padeonemórĩ Ìñarã, ùsã múãrẽ nemorõ buemasĩã. Cõãmacũ ùsãrẽ cũũriro jeatuaro bueadacu. ¹⁶ Too síro múã nemorõ niirẽ macãrĩpũ Jesuyé quetire wedeguda. Cũũye quetire wedeya manirẽ macãrĩpũ wáadũgaga. Āpẽrã cúã paderiguepũre “yũũ paderé niiã” jĩdũgahegũ, teero tiidũgáa.

¹⁷ Cõãmacũye queti jóaripũpũ ateré jóanoã: “ Ʋũũja añunetõjõãgũ niiã; biiro tiigũno niiã’ jĩdũgagũno jĩrijãrõ booa. Biirope jĩrõ booa: ‘Marĩ Òpũ añunetõjõãgũ niĩ; biiro tiirígu niĩwĩ’, jĩrõ booa”,* jĩ jóanoã. ¹⁸ Sícũ cũũ basiro wedesegũ “yũũ añurõ tiia” jĩgũrẽ “cũũ añugũ niĩ” jĩmasĩña maniã. Marĩ Òpũ sícũnorẽ “añugũ niĩ” jĩrĩ, añugũ peti niĩ.

11

Pablo jĩĩditori buerí basocare jĩirigue

¹ Mecãtígã múãrẽ yéequẽ wededũgaripacũ, wedeguda. Yéequẽ wedegu, jĩãmagũ tiiróbiro tũgueñaã. Yũũ jóarere páasũtiro manirõ bueri boogã. ² Cõãmacũ cũũ põnarẽ ãpĩrẽ padeorĩ boorĩqui. Cũũ múãrẽ doerobirora yũũcã múãrẽ doea. Múã yũũ Cristoyere wederi tũorã, padeowá. Teero tiigũ, Cristo múã manũ niigũdũbiro niĩ.

* **10:17** Jeremías 9.4.

Múã s̄cõ numiõ manuc̄tigodo tiiróbiro niiã. S̄cõ numiõrẽ ñañaré manigõrẽ wiyagúdubiro múãrẽ wiyadugága. ³ Teero wiyadugápacu, Evare wáarirobirora múãcãrẽ “wáabocu” jĩgũ, bayiró wãcũã. Pĩno ãñurõ cũũ jĩditomeniremena coore jĩcõãsãyigu. ãpẽrã cũũbiro jĩditora, múã “Cristo booré dícare diamacũ tiiáda” jĩ wãcũrere wasorí tiibócu. ⁴ Múã biiro tiiáyiro: ãpẽrã múãrẽ buera jeari, merẽã wedepacari, múã ãñurõ t̄ousénicu. Cũãpe ãsã Jesuyere diamacũ wederirobirora wedericua. Espíritu Santoyere merẽã bueri, cúã buerere ñeeãyiro. Cõãmacũ basocáre netõnére quetire cúã bueri, merẽã niipacari, múã ãñurõ t̄ocú. ⁵ Múãrẽ buerá Jesús cũũyere wededutigu beserira nemorõ t̄ugueñacua. Yũupe “cúã docapu niiã” jĩ t̄ugueñaria. ⁶ Yũũ ãñurõ wedeseri basocu tiiróbiro wederipacu, Cõãmacũyepere ãñurõ masĩã. Tee masĩrere niipetire yũũ tiirémena múãrẽ ãñoãwũ.

⁷ Yũũ Cõãmacũyere basocáre netõnére quetire wederé wapa múãrẽ wapaséhegu, ¿ñañarõ tiiri? Búri niigúbiro pade, wapatá, yaawũ múãrẽ netõnére maquẽrẽ boosãgũ. ⁸ Yũũ múãrẽ tiiápugu, ãpẽrã Jesuré padeorẽ põnarĩ macãrã yũũre niyeru ticocorira niwã. Yũũ teeré ñeegũ, cúãye niyerure néed̄ogabiro t̄ugueñawũ. ⁹ Yũũ múãmena niigũ, apeyenó dusarĩ ññagũ, s̄cũrẽ potocõriwũ. Marĩya wedera Macedonia macãrã jeara, yũũre dusarénorẽ ticowa. Teero tiigá, múãrẽ sã potocõriwũ. Teerora yapacutĩjãgũda. ¹⁰ Yũũ diamacũrã Cristoye maquẽrẽ masĩã. Teeré

masĩrõbirora atecãrẽ masĩã: Yũũ bueré wapa apeyenó sãĩricu; sĩcũ Acaya dita macũ “Pablo cũũ bueré wapa wapaséi” jĩĩmasĩriqui. ¹¹ ¿Deero tiigú biiro wedesegari yũũ? ¿Múãrẽ maĩhẽgũ teero jĩĩgarite? Niiria. Yũũ múãrẽ maĩrere Cõãmacũ masĩqui.

¹² Yũũpeja yũũ tiirucúrobirora tiirucúgũda. ãpẽãpéja yũũ tiiróbiro “tiirá tiia” jĩĩmicua. Teero tiirícua. Cũã bueré wapare wapasécua; yũũpe wapaséria. Teero tiirá, cũã “ãpẽã Jesús beserira tiiróbiro tiia” jĩĩmasĩricua. ¹³ Cũã “Jesús cũũyere wededutigu beserira niiã” jĩĩrã, teero jĩĩmajãrã tiíya. Cũã tiiditóra niíya. Sotoá dícu Jesús beserira tiiróbiro bauúya. ¹⁴ Teero tiiré wisióricu. Satanácã teerora tiimasĩqui. Apetó cũũ ángele ãñugábiro, asibatégũbiro baugú wáaqui. ¹⁵ Teero tiirá, cũũrẽ padecoteracã cũũ tiiróbiro tiicúa. Sotoá dícu ãñurẽ tiirábiro baucúa. Cũãpeja cũã ñañaré tiiré wapa pecamerũ yapacũtídiadacua.

Pablo ñañarõ netõrígue

¹⁶ Yũũ too suguero jóarirobirora múãrẽ jóanemogũda. Yéé maquẽrẽ wededũgaripacu, wedegũda. Teeré yũũ wederi, “¿apeyé cũũye maquẽ dícare wedejĩgũ, mecũgú tiiri?” jĩĩ wãcũrijãña. Teero wãcũrãpeja, “cũũ booró wedejããrõ” jĩĩña ména. ãpẽã cũãye maquẽcãrẽ bayiró wedecua, múãrẽ padeoáro jĩĩrã. Teero tiigú, yũũcã yũũ tiiriguere péero wedegũda. ¹⁷ Marĩ Òpũ teenórẽ wededutiririgu niimiwĩ. Teero tiigú, “mecũrĩ basocũbiro wedegũda” jĩĩã. ¹⁸ Paũ

múārē buerá noo booró cúã basiro dícu añurõ wedeseya. Cúã teero tiirí, yuccã yuu basiro añurõ wedeseguda. ¹⁹ Múã “masĩnetõrã niiã” jĩ wãcũrã niipacara, mecũrĩ basoca wedeseri, añurõ useniremena nũcãjãmasĩcu. ²⁰ Biiro tiirácãrẽ nũcãjããyiro: Múārẽ dutiaperare, múáyere néerãrẽ, múārẽ dutirãbiro tiíaperare, múã nemorõ uputí macãrãbiro múārẽ tiirãre, múārẽ diaporũ páaracãrẽ nũcãjããyiro. ²¹ ¿Añujãĩ múārẽ cúã teero tiirí? Acuéi, ¿cúã tutuanetõjõãrã niiĩ? Ɔsãpe cúãbiro tutuaria. Teero tiirã, cúãbiro ñañarõ tiiría.

Cúã “biiro biia ùsãjã” jĩ añurõ wedecua. Teero tiigú, yuccã cúãbirora yéequerẽ wedeguda, wededugaripacu. ²² Cúã “hebreoa niiã” jĩcua. Yuccã cũrã niiã. Cúã “Israelya põna macãrã niiã” jĩcua. Yuccã cũrã niiã. Cúã “Abraham pãrãmerã niinũusera niiã” jĩcua. Yuccã cũrã niiã. ²³ Cúã “Cristore padecotera niiã” jĩcua. Yũpeja cúã nemorõ cũrẽ padecotegu niiã. Yũ teero jĩgũ, wedeseãmagũbiro wedesea. Yũ cúã nemorõ padenetõnũcãwũ. Cúã nemorõ peresuwiseripu sõneconowũ. Yũre cúã nemorõ tãnawã. Pee sãĩrĩquioro niĩwũ. ²⁴ Judíoa sicamoquẽne yũre ñeenũcõjĩrã, wecu caserodamena tãnawã. Cúã yũre tãnarécõrõ treinta y nueve tãnawã. ²⁵ Ɔtĩãrĩ yucũména yũre páawa. Sícãrĩ ùtãperimena yũre déewa. Ɔtĩãrĩ ùsã wãari, dooríwũ duadiawũ. Sícãrĩ duagu, sicañami, sicabũreco tiimaapũre pasawũ. ²⁶ Pee wãanetõwũ. Díare tĩawagu, duariquioro netõwũ. Yaarí basoca watoa, yãa wedera judíoa pũtopũ, judíoa niĩhẽrã pũtopũ

quiorémena wáanetõwũ. Teero biiri macãpũre, basocá manirõpũre, día pairímaapũre quiorémena cãmesãwũ. “Jesuré padeorá niia” jĩditori basocá watoapũcãrẽ quiorémena cãmesãwũ. ²⁷ Yũũ padegũ, ñañarõ netõwũ. Pee ñamirĩ cãniríwũ. Jũabóawũ. Oco sĩnidugáwũ. Pee betiwũ. Yũũábũawũ. Apetóre yũũre suti maniwũ.

²⁸ Apeyeréja, búrecoricõrõ yũũ niipetiro macãrãrẽ Jesuré padeoré põnarĩ macãrãrẽ bayiró wãcũã. ²⁹ Tutuhegũno niirĩ, yũũcã cũũbirora tutuhegũ tũgueñaapua. Sícũrẽ ãpẽrã ñañaré tiidutíri, cũũ ñañaré tiirĩ, yũũ ñañaré tiidutíramena cúaa. ³⁰ Yéee maquẽrẽ wedegũ, “biiro tiigũno niia yũũja” jĩria. Teero jĩrõno tiigũ, “yũũ tutuhegũ niia” jĩã. ³¹ Cõãmacũ marĩ Õpũ Jesús Pacũ yũũ wederere “jĩditogũ mee tii” jĩmasĩqui. Cũũrẽna usenire tiorucujãrõ booa. ³² Yũũ Damascopũ niirĩ, tiimacã dutigũ yũũre ñeedugagũ, biiro tiirigũ niiwĩ: Tiimacã witiware soperipũre surarare cũũrigũ niiwĩ cotedutigũ. Cũũ tiidita õpũ Aretas wãmecutigũ doca macũ niiwĩ. ³³ Yũũ menamacãrãpe yũũre biiro tiiwá: Piimena tiimacã sãnirõ macã sopegãpũ duunũnũsediocowa. Teero tiigũ, yũũ cũãrẽ ñeõrĩwũ.

12

Pablo quẽẽrõpũ tiiróbiro ññarigue

¹ Yéee maquẽrẽ wededũgaripacari, mãã yũũre wederi tiaa sũcã. Yéee maquẽrẽ yũũ basiro ãñurõ wederi, mããrẽ tiiapuria. Teero biipacũ, marĩ Õpũ quẽẽrõpũre tiiróbiro yũũre ãñoríguere wedegũda. ² Cristore padeorí siro, biiro wáawũ:

Quëërõpüre tiiróbiro Cõãmacũ yũure cũũ putopũ néemuãwawi. Teeré yũũ ññari siro, catorce cũmarĩ netõã. Yáa õpũũmena o yeeripũnamena dícu wáagu wáajĩyu; masĩriga. Cõãmacũ dícu masĩqui. ³⁻⁴ Ateré masĩã: Cõãmacũ ãmuãsepũ Paraíso wãmecutiropũ yũure néenjeawi. Yáa õpũũmena o yeeripũnamena dícu néewagu néewajĩyi; masĩriga. Cõãmacũ sícũrã masĩqui. Yũũ toopú niigũ, basocãre wedemasĩña manirere wedeseri tuowú. Yũũ toopú tuorigue basocãre wededutire mee niiwũ. ⁵ Yũure toopú néewariguere ãñurõ wedeguda. Yũũ ãñurõ tiiriguepereja wederia. Yũũ “basocú dícu niijĩgũ, tutuhegũ, ññarõ netõã” jĩrere ãñurõ wedeguda. ⁶ Teero jĩpacũ, yũũ basiro ãñurõ wedesedugagũ, wedesemasĩã. Diamacú maquẽrẽ wedeseri, “mecũrĩ basocũ niĩ” jĩmasĩriya. Yée maquẽrẽ wedesemasĩpacũ, wedeseria. Yũũ basiro yũũ ãñurõ wedeseremena yũure padeorĩ boorĩa. Yũũ tiirere ññatoarapũ, yũũ wederere tuotóarapũ, padeorĩ booa.

⁷ Cõãmacũ yũure ãñorigue ãñurẽ peti niiwũ. Yũũ teeré wãcũgũ, yũũ basiro “ãñugũ niĩã” jĩrĩquio niiwũ. Teero tiigú, Cõãmacũ yũure teero wãcũrĩ jĩgũ, biiro tiiwĩ: Satanás yáa õpũũrẽ pũnirõ tiirĩ, teero ññajãrigũ niiwĩ. Tee pũnirẽ potaga sããwarobiro pũniã. ⁸ Itĩãrĩ yũũ marĩ Õpũrẽ “tee pũnirere netõnẽña” jĩ sãimíwũ. ⁹ Cũũpe yũure ateré jĩwĩ: “Yũũ mũũrẽ ãñurõ tia. Teero tiiró, mũũrẽ apeyenó dusarĩa. Basocá tutuhera niirĩ, yũũ tutuarere nemorõ ãñomasĩã”, jĩwĩ. Teero tiigú, yũũ tutuhegũ niirẽmena useniã. Yũũ tutuheremena Cristo cũũ tutuarere ãñurõ ãñoĩ. ¹⁰ Teero tiigú, yũũ tutuhegũ niirere useniremena nũcãjãã.

Yꝯꝯ Cristore padeoré wapa ãpẽrã yꝯꝯre ñañarõ jĩĩpacari, yꝯꝯre apeyenó dꝯsapacári, ãpẽrã yꝯꝯre ñañarõ tiĩpacári, yꝯꝯre wisiorere tꝯgueñapacꝯ, ꝯseniremena nꝯcãjãã. Nemorõ tutuhegꝯ niirõno tiigú, nemorõrã tutuanemogũ wáaa.

Corinto macãrãrẽ Pablo bayiró wãcũrique

11 Yꝯꝯ basiro yéẽ maquẽrẽ ãñurõ wedesegꝯ, mecũgúbiro wedesegꝯ tiia. Múãpeja yꝯꝯ wedesedꝯgaherere yꝯꝯre wedeseri tiia. Múã yꝯꝯre ãñurõ wedeseatã, ãñunibojĩyu. Múãrẽ jĩĩditoremena buerá Jesús cũyere wededutigꝯ beserira nemorõ tꝯgueñacua. Yꝯꝯre “cúã docapꝯ niia” jĩĩ tꝯgueñaria. Yꝯꝯ búri niigú niĩpacꝯ, teero bueãmajãrã doca niiria. 12 Yꝯꝯ múã pꝯtopꝯ niigũ, potocõrõ manirõ pee Cõãmacũ díccꝯ tiimasĩrere tiĩẽñowũ. Teeména diamacárã “yꝯꝯ Jesús cũyere wededutigꝯ beserigꝯ niia” jĩĩrére ãñowú. 13 ãpẽrã Jesuré padeoré põnarĩ macãrãrẽ, múãcãrẽ sícãrĩbíro tiiwú. Ate díccꝯre tiiríwꝯ: Múãrẽ wapasériwꝯ. Múã tꝯgueñarĩ, teeména ¿múãrẽ ñañarõ tiirí? Ñañaãtã, yꝯꝯre acabóya.

14 Yꝯꝯ múã pꝯtopꝯ wáaguda jĩĩgũ, quẽnotóaa. Mecũtígã yꝯꝯ wáaremena itĩãrĩ wáaadacu. Toopú jeagꝯ, múãrẽ “niyeru ticoya” jĩĩ potocõricu. Múãyere booríã; Cristoyepere múãrẽ tiinemórĩ booa. Múã masĩã: Basocá cúã pacꝯsũmũãrẽ niyerure quẽnocũbosaricua; pacꝯsũmũãre cúã põnarẽ niyerure quẽnocũbosacua. 15 Teero tiigú, yꝯꝯ cꝯorócõrõ múãrẽ tiĩápuguda. Niipetire yꝯꝯ tutuaremena múãye niĩãdarere tiĩápuguda. Teero

yuu múãrẽ bayiró maĩrĩ, ¿deero tiirá múãpeja yuure ðuaró maĩgári?

16 Yuu múãrẽ potocõririguere masĩpacara, bi-iro jĩcua: “Cũã meniĩgũ, marĩrẽ jĩditoqui; too síro marĩyere néewagudaqui”, jĩcua. 17 ¿Yuu múã puto ticocoriramena yuu múãyere jĩditoremena ãmarĩ? Ëmariwũ. 18 Yuu Titore múã putoꝝ wáadutiwũ. Teero biiri ãpĩ Jesuré padeogú marĩya wedegure cãmmena ticocowũ. ¿Tito múã putoꝝ jĩditoremena múãyere ãmarĩ? Ëmariyigu. Múã ãñurõ masĩã: Ësã Titomena sĩcãrĩbíro tiirã niĩã. Cũãcã múãrẽ buegu, ãñuré dícuere tiirígu niĩwĩ.

19 Apetó tiirã, múã ãsãrẽ “ãñurõ wãcũdutira tiĩya” jĩ wãcũbocu. Niiria. Biirope niĩã: Ësã Cõãmacũ ññacoropure Cristomena niĩjĩrã, wedesea. Yuu maĩrã yãa wedera, niipetirere ãsã wedesea, múãrẽ Cõãmacũrẽ nemorõ padeonemóãrõ jĩrã. 20 Apetó tiirã, yuu múã putoꝝ jeari, yuu booróbiro tiiríbocu. Teerora yuupẽcã múã booróbiro tiiríbocu. Teeré wãcũgũ, cuĩga. Apeyeréja, yuu múãrẽ “bi-iro tiibócu” jĩ wãcũã: “Cãmerĩtutira, ññatutira, cúara, cúãye dícuere wãcũrã, queti jĩrã, ãpẽrãrẽ ññañarõ jĩrã, ãsãjã ãpẽrã nemorõ ãñunetõñcãã’ jĩrã, noo booró tiĩãmajãrã tiibócu”, jĩga. 21 Teero tiigú, múã putoꝝ wáanemorĩ, Cõãmacũ yuu Õpũ múã ññañaré tiirucúre wapa yuure bobooro wáari tiibóqui. Múã ãpẽrãména múã booró ññañarõ ññeaperere, múã ññamosãnumiã múã manũsũmũã niĩhãrãrẽ ññeaperere, múã boboró manirõ tiirére washére wapa bayiró utibocu.

Wedeyaponorigue

1 Mecütigã унн муã пүтөрү wáaadaremena ïtĩãrĩ wáaadacu. Унн тоорү jeari, sĩcũ äpĩrẽ wedesädugagũ, Cõãmacũye queti jóaripũрү jĩrõbirora tiáro. Biiro jóanoã: “Puarã, ïtĩãrã ïñari siro, marĩ äpẽrã tiirĩguere wedesãmasĩnoã”.

2 Too sugueropũ муã пүтөрү jeagũ, “ñañaré tiiräre ñañarõ tiigúdacu” jĩ wedetoawũ. Teero biiri niipetirare wedetoawũ. Mecütigã yoaropũ niipacu, wedenemoã sũcã: Унн муã пүтөрү wáanemogũ, ñañaré tiiräre bóaneõ ïñaricu sáa.

3 Teero tiirá, муã ateré diamacú masĩadacu: Cristo уннүрү wãcũré ticorémena wedesea. Cristo múãrẽ dutigú tutuhegũ niiriqui; муã watoapure tutuanetõjõãgũ niĩ. 4 Ate diamacúrã niĩ: Cũũ curusapũ tutuhegũbiro páabiatunoyigũ. Teero tiinorigũ niipacu, cũũ Pacũ tutuaremena catii. Æsãcã cũũbirora tutuhera niĩã, niirãpeja. Teero niipacara, cũũmena niijĩrã, Cõãmacũ tutuaremena catia. Teero tiirá, tee tutuaremena múãrẽ wedera, tiípuadacu.

5 Múã basiro ateré naĩrõ sãĩñáña: “¿Diamacúrã Jesuré padeorára niĩ marĩ?” jĩñã. Múã basiro teeré ïñate. ¿Múã masĩrite Jesucristo múãmena niiré? Masĩcu sáa. Apetó tiirá, diamacú cũũrẽ padeorícu. 6 Æsãpe diamacúrã cũũrẽ padeóa. Múãrẽ teeré masĩrĩ booa. 7 Æsã múãrẽ ñañaré tiirijããrõ jĩrã, Cõãmacũrẽ sãĩbosáa. Basocá уннүрү “Corinto macãrãrẽ añurõ padeorí tiiwĩ” jĩrere ãmaãgũ mee tiia. Múã añurere tiirí boogá. Æsãrẽ “teero jĩãmajãrã tiiwá” jĩrĩ, añuniã. 8 Múã diamacú maquẽrẽ tiirí, Æsã “teerora tiiyá” jĩãdacu; diamacú

maquẽrẽ cãmotária. ⁹ Āpẽrã ùsãrẽ tutuherabiro ñnarĩ, ãñuniã. Múãpe padeotutúara niirĩ, ùseniã. Teero tiirá, múãrẽ Cõãmacũrẽ sãĩbosánemoãdacu, diamacũrã padeorá niiãrõ jĩrã. ¹⁰ Yũũ múã pũtopũ wáaadari suguero, atipũrẽ jóaa. Toopũ jeagũ, tutuaromena múãrẽ dutidũgariga. Marĩ Ōpũ yũũ múãrẽ dutimasĩrere ticorigũ niĩwĩ. Tee dutirẽmena múãrẽ padeonemórĩ boosãã; múã padeorẽre ñañodũgária.

¹¹ Yáa wedera, múãrẽ ãñurõ wáaaro. Múã ñañaré tiirere quẽnoñá. Cãmerĩ wãcũtutuari ti-iyá. Sĩcãrõména ãñurõ niirecutiya. Teeré tiirĩ, Cõãmacũ marĩrẽ maĩgũ marĩrẽ ãñurõ niirecutirere ticogũ múãmena niigũdaqui. ¹² Múã basiro cãmerĩ maĩrẽmena ãñudutiya. ¹³ Niipetira Jesuré padeorá múãrẽ ãñudutiya.

¹⁴ Jesucristo marĩ Ōpũ múã niipetirare ãñuré ticoaro. Cõãmacũ múãrẽ maĩgũ múãmena niĩãrõ. Espíritu Santo múãrẽ bapacutiaro.

Nocõrõrã jóaa.

Cõãmacũ mecũã wedesei New Testament in Tuyuca

copyright © 2011 Wycliffe Bible Translators, Inc.

Language: Tuyuca

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tuyuca

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
a71ca523-cda5-572a-9b0b-61d9ea37d1a8